



Sámi allaskuvla

Sámi University of Applied Sciences

OAHPPOPLÁNA

Osku ja eallináddejupmi Sámis

30 oahppočuoggá

1. OAHPPOOVTTADAGA NAMMA

Osku ja eallínáddejujpmi Sámis
Tro och livstolkning i Sápmi
Faith and view of life in Sápmi

2. OPPALAŠ DIEĐUT OAHPU BIRRA

- **OAHPPOVTTADAGA KODA:** OSK 1000
- **VIIDODAT:** 30 oahppočuoggá
- **OAHPU LÁGIDEAPMI:** Ohppui gullet logaldallamat, seminárat ja studeanttaid barggut. Oahpahus sáhttá lágiduvvot sihke luohkkálatnja- ja neahhtaoahpahussan.

3. OAHPU GULLEVAŠVUOHTA

Sáhttá leat oassin bachelorprográmmain, omd. doarjjafágan/válljenfágan.

4. SISABEASSANGÁIBÁDUSAT

Dábálaš sisabeassangáibádusat alitoahpahussii. Sisabeassanvuodđu sáhttá leat juogo oppalaš lohangelbbolašvuohhta (čáđahan joatkkaskuvlla/logahaga) dahje reálagelbbolašvuohhta.

5. OAHPAHUSGIELLA

Oahpahus lágiduvvo sámegillii, muhto logaldallamat sáhttet leat eará Skandinávalaš gillii dehe engelasgillii. Oahppu lágiduvvo dainna lágiin ahte dan galget sáhttit čáđahit sihke sámegielat ja skandinávalaš gielat studeanttat. Studeantabarggut ja eksámenbarggut sáhttet čállojuvvo juogo sámegillii, skandinávalaš gielaide dahje engelasgillii.

6. SISDOALLU

Oahppu addá váldodieđuid Sámi oskku historjjá ja dálá áiggi birra. Historjjálaš oasis adno dehálaččamussan oažžut ovdan sámi servodatdiliid ja doaibmaovddideaddji olbmuid. Dás addojit vuodđodieđut árbevirolaš sámi oskku ja sámi girko-historjjá birra dan muddui go leat čálalaččat ovdanbuktojuvvo. Addojuvvojit maiddá vuodđodieđut fápmodiliid birra mat leat leamaš doaimmas iešguđet áiggiid. Dálá áiggi dáfus addojit vuodđodieđut Sámi oskkolašvuoda birra, sihke dan mii gullá ásahusaiddássái ja dan mii gullá árgabeaivái. Dát oassi ovdanbuktá sihke vuoiŋŋalaš praksisiid, girkolaš vieruid ja ođđavuoiŋŋalaš vuogit mat leat guovddážis dálá Sámis.

7. OAHPPANJOKSOSAT

Historjá;

Studeanta galgá

- máhttit čilget vuđoleamos osiid sámi oskku-historjjás
- diehtit sámi girko- ja risttalašvuodá-historjjá guovddáš sámi doaibmaovddideaddji olbmuid
- diehtit Leastadiusa doaimma ja dan teologiiija maid son ovdánahtii, ja vel makkár mearkkašupmi dain lei dain guovlluin gosa olii
- diehtit friddjagirkuid dahkamušaid ovddit čuohtejagis ja erenoamážit go geahččá 1900-logu álggu sámi organiserema
- ožžon vuoddu dasa ahte máhttit smiehttat movt dutkama olis adnojit doahpagat das go lea sáhka Sámi oskkolašvuoda birra
- diehtit Sámi miššuvdnahistorjjá ja makkár iešguđetlágán váikkuhusat dain ledje sámi servodagain

- diehtit movt girku ja eiseválddiid áirasat ja sámi báikegottiid olbmot doibme gaskaneaset, ja makkár fápmodilit ja dulkoma ovdaletvuodát ledje doaimmas iešguđet áiggiid
- diehtit movt jurddavierut nugo nállebiologiija ja sosiáladarwinisma leat báidnan maŋemus čuohtejagi go geahččá girku ja risttalašvuođa dahkamušaid ja muđui dan makkár váikkuhusat ledje sámi servodagaide

Dálá áigi;

Studeanta galgá;

- diehtit movt girkodoaimmat lea organiserejuvvon davviriikkaid girkuid siskkoabealde
- diehtit soabadanproseassaid davviriikalaš girkuid olis
- diehtit sámi teologalaš barggu birra davviriikalaš diliid olis
- ožžon vuodtu árvvoštallat girku dahkamušaid das movt hálddašuvvo sámi oskkolašvuođa praksis ja vierru
- diehtit Sámi ođđášamanisma ja ođđavuoiŋgalašvuođa birra
- máhttit čilget Sámi iešguđet guovlluid risttalašvuođa ipmárdusa ja praksisa
- diehtit árgabeaivválaš vuoiŋgalaš vieruid ja praksisiid
- máhttit guorahallat ehtalaš ideálaid ja movt mitalusat, biibbaldulkomat ja praksisat leat oassin das ahte cealkit ja viidáset fievrredit daid
- diehtit daid iešguđet oskkolaš surggiid Sámis ja daid dovdomearkkaid

Studeanta gelbbolašvuohta maŋjel go lea čađahan oahpu, lea ahte

- searvat ságastallamiidda mat gusket Sámi oskkolaš historjái ja máhttit čilget iešguđet perspektiivvaid
- diehtit doahpágiid mat adnojit dán fáttá dutkamis ja máhttit árvvoštallat daid moaitevaččat maiddái
- máhttit čilget daid stuorit diskurssaid mat leat Sámi oskkolašvuođa historjjá ja dálá áiggi siste
- máhttit čilget proseassaid oskku dáfus mat dálá áiggi leat guovddázis girkus ja servodagas

8. OAHPAHAN- JA OAHPPANVUOGIT

Oahpahus lágiduvvo sihke logaldallamin, joavkobargun, semináran ja bagadallamin. Vurdojuvvo ahte studeanttat oassálastet aktiivvalaččat lágiduvvon oahpahussii. Sáhtta leat neahttaoahpahus.

9. GÁIBÁDUSAT BEASSAT EKSÁMENII

Gáibádus beassat eksámenii lea

- Dohkkehuvvon bargogáibádus: Oktiibuot njeallje bihtá, guokte goappáge oahppooasis
- Leamaš unnimus 80 % fárus oahpahusas go leat deaivvadanvahkut

10. EKSÁMEN

Goppáge oasis; Guovttevahkkosaš čálalaš ruovttueksámen. Čállosa guhkkodat galgá leat 6 – 10 siidu.

Historjjálaš oasis (15 oč);

Studeanta beassá válljet ovttá golmma addojuvvon gažaldagas.

Dálá áiggi oasis (15 oč);

Studeantta čállá sohppojuvvon čuolmma vuodul.

Eksámen árvvoštallojuvvo oktasaš árvosániin ECTS-vuogádaga mielde, mas buoremus árvosátni lea A ja vuolimus ceavzinárvosátni lea E. F árvosátni mearkkaša ahte ii leat ceavzán.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

li leat.

12. KVALITEHTASIHKKARASTIN

Čujuhuvvo SA kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.

13. LOHKANMEARRI

Lohkanmearri ođastuvvo ja dohkkehuvvo dárbbu mielde.